



**11 September 2020**

## **Geagte Gr. 1 - 3 Ouers**

Fase twee van die grendeltyd het sekere uitdagings tot gevolg gehad wat hier onder verduidelik word. Lees asb aandagtig deur.

### **PUNTEVERSPREIDING VIR 2020**

As gevolg van Covid-19 is die punteverspreiding aangepas vir 2020. Promosiepunte vir die jaar sal gebaseer word op die punte van Kwartaal 1, 3 en 4.

Bogenoemde is Departementele voorskrifte en hanteer ons die punte daarvolgens. Kwartaal 2 se basislynassesserings tel dus nie vir die jaarpunt nie. Hou in gedagte dat kwartaal 3 en 4 se punte wel gaan tel en daarom versoek ons die Gr. R-3 leerders om steeds hard te werk en net hul beste te lewer.

### **RAPPORT KWARTAAL 3**

Op Donderdag, 22 en Vrydag, 23 Oktober ontvang die Gr. 1-3 leerders hulle Rapporte vir kwartaal 3.

### **SKOOLVAKANSIEDAG**

Donderdag, 24 September is Erfenisdag en 'n openbare vakansiedag. Aangesien ons akademiese program op datum is het ons vele versoeke van ouers ontvang oor Vrydag, 25 September, en daarom dus besluit dat die leerders 'n welverdiende ruskans kan kry op 25 September. Op Maandag, 28 September begin ons die week met **Groep 2** leerders.

### **GOOGLE CLASSROOM**

Dankie aan al die Google Classroom leerders wat getrou klasse bywoon. Ons herinner u net weer daaraan dat indien die personeel ervaar dat die Google Classroom leerders nie presteer soos hy/sy moet nie, hul die voorreg ontnem mag word om van Google Classroom gebruik te maak.

### **LARDIE TYDKAPSULE**

Op 10 Oktober 2010 het ons Oud Lardies 'n tradisie begin deur briewe en spesiale herinneringe van daardie jaar in die Lardie Tydkapsule te plaas. Hierdie jaar op Saterdag, 10 Oktober 2020 sou ons hierdie tradisie voortgesit het tydens ons jaarlikse Lardie Kuierfees. As gevolg van Covid-19 het ons die verloop van die vieringe en tradisie aangepas. Volledige inligting en wyses van hoe ons hierdie projek gaan aanpak sal spoedig aan u gekommunikeer word. Mnr Human stuur



binnekort 'n spesiale boodskap uit oor die geskiedenis rondom die Lardie Tydkapsule.

## **MERIETE**

Na baie besprekings het die skool en Beheerliggaam van Laerskool Elarduspark besluit dat daar geen Meriete-aande vir 2020 gaan plaasvind nie. Meeste aktiwiteite kon nie plaasvind die jaar nie en sou daar nie 'n regverdigde meriete bepaling kon wees nie. Aktiwiteite wat gedurende die eerste kwartaal afgehandel is sal wel erkenning gegee word aan leerders wat prestasies behaal het. Toekennings sal hier uitgereik word aan die betrokke leerders soos uiteengesit in ons meriete beleid. Ons as skool sal slegs vir die Gr. 7 leerders van 2020 'n meriete verslag uitreik. Geen akademiese prestasies of spesiale toekennings sal in 2020 gemaak word nie.

## **HERREGISTRASIE VIR 2021**

Herregistrasie vorms word op Donderdag, 10 en Vrydag, 11 September uitgestuur. Ouers word versoek om die elektroniese vorm asb. te druk en te voltooi en voor of op Vrydag, 18 September terug te stuur na die registeronderwyser. Ouers wat nie toegang het tot 'n drukker nie moet die registeronderwyser in kennis stel sodat 'n harde kopie aan u gestuur kan word.

## **NASKOOL INSKRYWINGS VIR 2021**

Die aansoek-periode om leerders by die Laerskool Elarduspark se Naskoolsentrum te registreer vir 2021, is nou oop en sluit op Woensdag, 30 September 2020. Ouers met leerders van Gr.1 tot Gr.7 in 2021 wat die Naskool wil bywoon moet asb, die aangehegte vorm volledig voltooi en onderteken. Leerders wat in 2020 die Naskoolsentrum bygewoon het, kwalifiseer **NIE** outomaties vir 2021 nie en moet dus weer registreer vir 2021.

Graad R leerders woon nie die Naskoolsentrum by nie, maar wel die naskoolsorg by die Graad R sentrum. Die 2021 kurrikulumfooi van R1,000 t.o.v. Naskool is betaalbaar voor/op Saterdag, 31 Oktober 2020.

'n Finansiële skrywe sal binnekort volg met die debietordervorm waarop skool- en naskoolgelde aangedui sal word.

Baie sterkte aan elke Lardie vir die res van kwartaal 3. Ons is trots op wat hulle vermag het tydens hierdie groot aanpassing en manier van onderrig.

**ME R JOUBERT**  
**ADJUNKHOOF GF**

**MNR T HUMAN**  
**SKOOLHOOF**